



Ulloq: 9. februar 2026
Allaffik: Nordatlantkontoret
Suliarinn.: Christine Elbrønd Kuus
Suliap nr.: 2025-01159
Dok.: 3986424

Kalaallit Nunaanut aamma Kalaallit Nunaannit tunniussineq pillugu inatsisit pillugu siunnersuut tusarniaassutigineqarnerani akissutitut nalunaarsuiffik oqaaseqaatitalik

Imarisai

Imarisai	1
1. Tusarniaaneq	1
1.1. Tusarniaanermut piffissarititaasoq	1
1.2. Oqartussaqaarfiit aamma suliniaqatigiiffiit il. il. tusarniaaffigineqartut	2
2. Tusarniaanermut akissutit	4
2.1. Inatsisissatut siunnersuummut oqaaseqaatit nalinginnaasut	4
2.2. Inatsisissatut siunnersuummi immikkoortunut ataasiakkaanut oqaaseqaatit	4
3. Inatsisissatut siunnersuutip inatsisissatut missingiummut sanilliunneqarnera	6

1. Tusarniaaneq

1.1. Tusarniaanermut piffissarititaasoq

Kalaallit Nunaanutt aamma Kalaallit Nunaannit tunniussineq pillugu inatsisit pillugu siunnersuummut missingiut piffissami ulloq 22. december 2025-miit ulloq 19. januar 2026-

mut (ullut 28-t) oqartussa qarfinnut, suliniaqatigiiffinnut il. il. arlalinnut nassiullugu tusarniutigineqarpoq.

Aamma inatsisissatut siunnersuummut missingiut ulloq 22. december 2025 Folketingip Grønlandsudvalgianut aammalu Folketingets Retsudvalgianut ilisimatitsissutitut nassiunneqarpoq.

Tamatuma saniatigut inatsisissatut siunnersuummut missingiut Høringsportalen-imi ulloq 22. december 2025 tamanut saqqummiunneqarpoq.

1.2. Oqartussa qarfiit aamma suliniaqatigiiffiit il. il. tusarniaaffigineqartut

Ataaniippoq oqartussa qarfiit aamma suliniaqatigiiffiit il. il. tusarniaaffigineqartut nalunaarsorsimaffiat alfabetiskiusoq.

Tusarniaaffigineqartut saniani krydsiliinikkut nalunaarsorneqarpoq, tusarniaanermut akissutitik tigusaqartoqarsimanersoq, aammalu tusarniaaffigineqartut inatsisissatut siunnersuummut missingiummut oqaaseqaateqarsimanersut.

Oqaaseqaatigineqarpoq, Justitsministeria, Sydvestjyllands Fængsel og Arrest-imiit tusarniaanermut akissummik tigusaqarsimasoq. Tusarniaanermut akissummi allaqqavoq, Sydvestjyllands Fængsel og Arrest oqaaseqaateqarsimanngitsoq.

Tamatuma saniatigut Justitsministeria, soqutigisaqartunit allaninngaanniit inatsisissatut siunnersuummut missingiummut oqaaseqaateqaatinik tigusaqarsimanngilaq.

Tusarniaaffigineqartoq	Tusarniaanermut akissut tiguneqarpoq	Oqaaseqaati t	Oqaaseqaateqanngilaq
Advokatrådet	X	X	
Amnesty International			
Danmarks Domstole			
Danske Advokater			
Dansk Erhverv			
Datatilsynet			
Den Danske Dommerforening	X		X
Det Kriminalpræventive Råd			
Dommerfuldmægtigforeningen			

Domstolsstyrelsen	X		X
Fængselsforbundet	X		X
Foreningen af Fængselsinspektører m.fl.			
Foreningen af Offentlige Anklagere			
Foreningen af Statsadvokater			
Illersuisut			
Nunatta Eqqartuussisuuneqarfia	X		X
Kalaallit Nunaanni Politiit Pegatigiiffiat			
Nunatsinni Advokatit			
Inuit Pisinnaatitaaffii pillugit Siunnersuisoqatigiit			
Kalaallit Illuutaat			
Kalaallit Nunaanni Pinerlutsaaliuinnermut Siunnersuisoqatigiit – PiSiu			
HK Landsklubben			
HK Landsklubben for Kriminalforsorgen			
Institut for Menneskerettigheder			
Justitia			
Kriminalforsorgsforeningen			
Kredsdommerforeningen			
Landsforeningen af Forsvarsadvokater			
Landsforeningen KRIM			
Nunatta Illersuisuunera			
Kalaallit Nunaanni Pinerlutsaaliuinnermut Siunnersuisoqatigiit – PiSiu			
Politidirektørforeningen			
Kalaallit Nunaanni Pinerlutsaaliuinnermut Siunnersuisoqatigiit – PiSiu	X		X
Politidirektørforeningen			
Politiforbundet	X		X

Procesbevillingsnævnet	X		X
Retspolitisk Forening			
Nunatsinni Eqqartuussivik			
Kalaallit Nunaanni Naalagaaffiup Sinniisoqarfia			

2. Tusarniaanermut akissutit

Ataani inatsisissatut siunnersuummut missingiut pillugu tusarniaanermut akissutini immikkoortut pingaarnert allanneqarput.

Tusarniaanermut akissutitut Justitsministeriap oqaaseqaatai, tassunga ilaatillugit tusarniaanermut akissutit kingunerisaannik allanngortitsisoqarsimanera pillugu oqaaseqaatit, naqinnernik orlingasunik allassimapput.

Imm. 3 ataani pingaarnersiorneqarpoq missingiummut, tamanut tusarniutigineqarsimasumut, sanilliussinermi suut allannguutaasimanersut. Aamma allannguutit taaneqarput, tusarniaanermi akissutitik tunuliaqutaqanngitsut, kisianni Justitsministeriap namminersorluni allanngortitai.

2.1. Inatsisissatut siunnersuummut oqaaseqaatit nalinginnaasut

Justitsministeria inatsisissatut siunnersuummut oqaaseqaatinik nalinginnaasunik tigusaqarsimanngilaq.

2.2. Inatsisissatut siunnersuummi immikkoortunut ataasiakkaanut oqaaseqaatit

Advokatrådetip ilaatigut oqaaseqaatigivaa, inatsisissatut siunnersuut inatsisitigut isumannaatsuuneq eqqarsaatigalugu arlalinnik pitsanngoriaatissanik tikkuussisoq, ilaatigut, inunnik tunniussisoqarsinnaanngitsaq, pinerluuteqarnerup nalaani ukiukippallaaramik pineqaatissinneqarsinnaanngitsunik, tak. inatsisissatut siunnersuummi § 2, aammalu marloriaataanik pillaanissamut inerteqqut (ne bis in idem), tak. inatsisissatut siunnersuummi § 3.

Advokatrådetip aamma oqaaseqaatigivaa, inatsisissatut siunnersuummi § 18 malittarisassamik aalajangersaasoq, tamatuma kingorna naalagaaffimmik Nunat avannarliit aamma Den Europæiske Unionip avataaniittumik isumaqatigiissuteqarsimaneq

tunuliaqutaralugu Kalaallit Nunaanni danskisut innuttaassusilinnik eqqartuussivikkut malersuinissaq siunertaralugu naalagaaffimmut pineqartumut tunniussisoqarsinnaanera. Piumasaqaataavoq, kalaallit inatsisaat malillugit pinerluuteqarneq sivikinnerpaamik ukiumi 1-imi parnaarussivimmi inissinneqarnissamut pineqaatissinneqarnermik kinguneqarsinnaasoq. Kalaallit Nunaanni pinerluttulerinermik inatsit pillaasarnermut sinaakkutinik imaluunniit pisoqalisoorinnaaneq pillugu malittarisassanik imaqqanngilaq, pillaasarnermut sinaakkutinut attuumassuteqartunik. Tamatuma kingorna piumasaqaat immikkut nalilersuineramik tunngaveqassaaq, tassunga ilaatillugu inatsisinik atuutsitsinermi assersuutissaqarnersoq. Tamanna inatsisinik atuutsitsinermi eqqoriaruminaatsitsinermik pilersitsisarpaq, tamannalu tunngaviusumik inatsisinik atuutsitsineq eqqarsaatigalugu ajornartorsiutaavoq.

Justitsministeriap ilisimatitsissutigisinnaavaa, siunnersuutigineqartumi § 18 piumasaqaateqarnermik kinguneqartoq, naalagaaffimmi Nunat avannarliit aamma Den Europæiske Unionip avataaniittumik isumaqatigiissuteqarsimaneq tunngavigalugu, tunniussisoqarsinnaaneranik, pineqartoq danskisut innuttaassusilik pinerlulluni iliuuseqarneq sioqqullugu ukiumi kingullerni 2-ni naalagaaffimmi tassani innuttaassuseqarsimappat, tunniussiffigineqarusuttumi, aammalu kalaallit inatsisaat malillugit sivikinnerpaamik ukiumi 1-imi parnaarussivimmi inissinneqarnissamut pineqaatissinneqarnermik eqqartuussisoqarsinnaasoq.

Pinerluttulerinermik inatsit pillaasarnermut sinaakkutinik imaluunniit pisoqalisoorinnaaneq pillugu malittarisassanik, pillaasarnermut sinaakkutinut attuumassutilinnik imaqqanngilaq. Taamaattumik inatsisinik unioqqutitsinerup ajussusaa pillugu nalilersuisoqassaaq, tassunga ilaatillugu iliuuserineqartumut pineqartumut akiuniarnermut inuiaqatigiit soqutigisaat. Nalilersuinermi ilaatinneqarsinnaassaaq, eqqartuussisarnermi assersuutissaqarnersoq, tassani inuk pinerluttoq kalaallit inatsisaat malillugit sivikinnerpaamik ukiumi 1-imi parnaarussivimmi inissinneqarnissamut pineqaatissinneqarnermik eqqartuunneqarsimalluni.

Taamaalilluni Justitsministeria, pinerluttulerinermi inatsisip pillaasarnermut sinaakkutinik aamma pisoqalisoorinnaaneq pillugu malittarisassanik imaqqannginneri eqqarsaatigalugit, inatsisinik atuutsitsinerup isumannaatsuuneranut tunngatillugu isumaliutaasinnaasut akuersaarlugit, nalilersuinissamut sinaakkutissanik aalajangersaavoq, tassunga ilaatillugu suliassaqarfimmi eqqartuussisarnermut allanut assersuusiortuni sanilliussinikkut.

Oqaaseqaatigineqarpoq, inatsisinik unioqqutitsisunik tunniussineq pillugu inatsimmi nr. 249, 9. juni 1967-imeersumi § 3, imm. 1, oqaaseqatigiit 1.-mi allaqqammat, Kalaallit Nunaannut ullumikkut atuuttumi, tunniussineq taamaallaat pisinnaasoq, iliuuserineqartoq danskit inatsisaat malillugu ukiumik ataatsimik parnaarussaannermit qaffasinnerusumik pillaatissiissutaasinnaappat, inatsimmut unioqqutitsinermut assingusoq, tunniussinissamik qinnuteqarnermut tunngaviusoq. Inatsimmi aamma § 23-p kingunerivaa, taanna Kalaallit Nunaannut atuuttoq, eqqartuussisarnermik inatsimmut immikkut ittumut Kalaallit Nunaannut atuuttumut nikinganeqarluni. Tamanna isumaqarpoq, Kalaallit Nunaanniit tunniussinissaq pillugu suliani inatsimmik unioqqutitsinerup qanoq ajortiginera pillugu nalilersuisoqassasoq, tassunga ilaatillugit iliuuserineqartunut pineqartunut akiuiniarnermut inuiaqatigiit soqutigisaat, aammalu tassani nalilersuinermi ilaatinneqassasoq, eqqartuussisarnermi assersuutissaqarnersoq, tassani inuk pinerluttoq kalaallit inatsisaat malillugit sivikinnerpaamik ukiumi 1-imi parnaarussivimmi inissinneqarnissamut pineqaatissinneqarnermik eqqartuunneqarsimalluni. Taamaattumik siunnersuutigineqartup § 18-ip allanngortinngilaa inatsisitigut inissisimaneq, kisianni aalajangersarpaa, qulaani nassuiaatigineqartoq, nalilersuinissamut sinaakkutit.

Kingullertut oqaaseqaatigineqarpoq, inatsisissatut siunnersuummi § 35, imm. 1-ip kingunerivaa, tunniussinissaq pillugu suliani aalajangiinissamut piginnaatitaaffiup eqqartuussivinnut nuunneqarnissaa, aammalu taamaattumik tamatuma kingorna unnerluussisussaataasut noqqaassuteqarnerat tunuliaqutaralugu eqqartuussiviup, justitsministeriunngitsup, tunniussinissaq pillugu apeqquummik inaarutaasumik nalilersuineq ingerlatissavaa.

3. Inatsisissatut siunnersuutip inatsisissatut missingiummut sanilliunneqarnera

Inatsisissatut siunnersuummut missingiummut tunngatillugu, tamanut tusarniutigineqartumut, inatsisissatut siunnersuummi § 7-imut erseqqissaateqarpoq, taamaalilluni allaqqalluni, europami eqqartuussinernik pillaatissartalinnik eqquutsitsineq pillugu inatsit nr. 522, 23. december 1970-imeersoq, Kalaallit Nunaannut atuutilersinneqartoq peqqussutikkut nr. 391, 5. september 1980-imeersukkut, atuutissasoq naalagaaffinnut Den Europæiske Unionimut ilaasortaasunut inummik tunniussinissaq pillugu suliat pineqartillugit. Aamma allaqqavoq, naalagaaffinnut Nunat avannarliit aamma Den Europæiske Unionip avataaniittunut inummik tunniussineq pineqartillugu nunat tamalaat akornanni pillaatissartalinnik eqquutsitsineq pillugu inatsimmi tunngaviit atuutissapput, tak. inatsimmut nalunaarut nr. 740 18. juli 2005-imeersoq allanngortinneqartoq inatsisikkut nr. 428, 1. maj 2013-imeersukkut aamma inatsisikkut nr. 377, 27. april 2016-imeersukkut.

Tamatuma saniatigut oqaatsisigut naleqqussaasoqarpoq, taamaalilluni inatsisissatut siunnersuummi § 8-mut oqaaseqaatit, pillaatissartalinnik eqquutsitsineq il. il. pineqartillugit Finlandimik, Islandimik, Norgemik aamma Sverigemik suleqateqarneq pillugu kaajallaasitap nr. 220 af 16. december 1963-imeersup, allanngortinneqartup kaajallaasitakkut nr. 148, 3. august 1994-imeersukkut aamma kaajallaasitakkut nr. 9284, 30. april 2015-imeersukkut, allanngortinneqarnissaanut assingulersinneqarnissaanut naapertuullutik.

Aamma aalajangerneqarpoq pillaatissartalinnik eqquutsitsineq pillugu Finlandimik, Islandimik, Norgemik aamma Sverigemik suleqateqarneq pillugu inatsimmi nr. 220 af 16. december 1963-imeersumi Kalaallit Nunaannut allannguutit, peerneqassasut, inatsisip kingunerereermagu, Kalaallit Nunaannut atuunnera, Kalaallit Nunaanni pinerluttulerinermik inatsimmi nikingassutit ilanngullugit.